

# PROGRAMA PAE


## (Apoio específico a nenos e nenas con NEE)

O **Programa PAE** é un Programa de Apoio Específico dirixido ao alumnado de Educación Primaria e Secundaria que presenta necesidades derivadas do diagnóstico de diferentes trastornos como poden ser o Trastornos por Déficit de Atención e Hiperactividade (TDAH), Trastorno de Espectro Autista (TEA), Trastornos de Aprendizaxe...

Sendo conscientes das necesidades dos/as escolares que presentan estes trastornos tomouse a iniciativa de crear este Programa para promover actuacións e intervencións que permitan unha resposta adaptada ás necesidades de cada participante.

Ditas actuacións están dirixidas tanto á intervención educativa con estes alumnos e alumnas como ao asesoramento e orientación das familias, mantendo sempre a comunicación e a colaboración cos centros escolares aos que pertence cada participante.

- **Atención adaptada ás necesidades individuais de cada participante**, partindo dunha entrevista previa coa familia de cada participante na que se comenta cal e a situación familiar e escolar na que se atopa o/a menor e posteriormente, unha vez que comeza no Programa, a intervención durante as sesións adáptase para dar resposta ás necesidades detectadas.
- **Formación dirixida ás familias**, onde as profesionais que interveñen cos nenos/as facilitan ás familias información actualizada, estratexias e ferramentas precisas que permiten favorecer unha comunicación positiva que posibilite unha melloría do autoconcepto e da autoestima de tódolos membros/as da familia, en especial do/a menor.
- **Colaboración co centro escolar**, a través de reunións periódicas das profesionais do Programa co departamento de orientación e o titor/a do neno/a, o que permite tanto facilitar e optimizar o asentamento dos avances alcanzados nas sesións como asesorar ás familias dende unha perspectiva interdisciplinar.



CENTRO NO QUE SE DESENVOLVE	DESTINATARIOS	DÍA	HORARIO
CEP CAMPOLONGO	Primaria e Secundaria	Mércores	De tarde en sesións de 90 minutos A hora concretarase en función da organización dos grupos.
MULTIUSOS PORTONOVO	Primaria e Secundaria	Luns	De tarde en sesións de 90 minutos A hora concretarase en función da organización dos grupos.

### Información e contacto

FANPA Pontevedra: r/ Xan Guillerme 9, tel: 986 843 412 ou no e-mail: [actividades@nontedurmas.org](mailto:actividades@nontedurmas.org)  
 ANIAS: r/ Echegaray 39, tel: 986 864 598/ 615 780 528 ou no e-mail: [anias@anias.es](mailto:anias@anias.es)